

## ইসলাম ও ঈমান

**ইসলামের পরিচয়:** ইসলাম শব্দের আভিধানিক অর্থ আত্মসমর্পণ করা। অর্থাৎ - বাহ্যিক কাজকর্মে আল্লাহর অনুগত হয়ে জীবন জীবন পরিচালনা করার নাম ইসলাম।

**পারিভাষিক অর্থ:** আল্লাহকে এক জেনে তাঁর নিকট আত্মসমর্পণ করা, তাঁর বিধি-বিধান অনুযায়ী জীবন গড়া এবং সকল প্রকার শিরক ও অবাধ্যতা থেকে মুক্ত থাকাকে ইসলাম বলা হয়।

আল্লাহর মনোনীত একমাত্র জীবন ব্যবস্থা ইসলাম। ইসলাম ছাড়া আল্লাহ্ তা'আলা অন্য কোন জীবন ব্যবস্থা, মতবাদ ও মতাদর্শ কবুল করবেন না।

**আল্লাহ্ তা'আলা বলেন:**

{وَمَنْ يَبْتَغِ غَيْرَ الْإِسْلَامِ دِينًا فَلَنْ يُقْبَلَ مِنْهُ وَهُوَ فِي الْآخِرَةِ مِنَ الْخَاسِرِينَ}

"যে ব্যক্তি ইসলাম ব্যতীত অন্য জীবন ব্যবস্থা তলাশ (গ্রহণ) করে তা কখনো তাঁর নিকট হতে কবুল করা হবে না এবং সে আখিরাতে ক্ষতিগ্রস্তদের অন্তর্ভুক্ত হবে। (সূরা-আলে ইমরান-৮৫)

দীনের স্তরসমূহের মাঝে ইসলামের পরেই ঈমানের স্থান।

**ঈমানের পরিচয়:** আল্লাহ্ প্রদত্ত বিষয়সমূহ অন্তরে বিশ্বাস স্থাপন করা, মুখে স্বীকৃতি প্রদান।

**পারিভাষিক অর্থ:** আল্লাহ্ প্রদত্ত বিষয়সমূহ অন্তরে বিশ্বাস স্থাপন করা, মুখে স্বীকৃতি প্রদান করা এবং তা কর্মে বাস্তবায়ন করার নাম ঈমান।

রাসূলুল্লাহ সাঃ ঈমানের পরিচয় সম্পর্কে বলেনঃ বিশ্বাস স্থাপন করা আল্লাহর প্রতি, ফেরেশতাদের প্রতি, আসমানী কিতাব সমূহের প্রতি, রাসূলগণের প্রতি। আরো বিশ্বাস করা ভাগ্যের ভালো-মন্দের প্রতি। (সহীহ মুসলিম)

অতএব, প্রতিটি মুসলিম ব্যক্তির জন্য উপর্যুক্ত বিষয় সমূহের প্রতি বিশ্বাস স্থাপন করা আবশ্যিক। যতক্ষণ এগুলো বিশ্বাস না করবে, ততক্ষণ পর্যন্ত সে মুমিন হতে পারবে না।